

■ COLUMNA

En il pli stretg ravugl da famiglia

DA LUZI BATTAGLIA-SIGRIST,
FARSCHNÒ

Adina pli savens legel jau en annunzias da mort: «Il funeral ha lieu en il pli stretg ravugl da la famiglia». Las raschuns per ina sepultura en «il pli stretg ravugl da la famiglia» èn diversas.

Ina giada è quest giavisch in'expressiun da modestad, in'autra giada èsi pervia da dischillusiun u d'in passà tragic. Mintgant giavischan ils contristads ina sepultura en il pli stretg ravugl famigliar perquai ch'els han il sentiment ch'i surpassia lur forzas da sa scuntrar cun tut quels concarstgauns che sa radunan al funeral. Ins sto respectar tals giavischs, ma ins sto er savair che nus resentin sco problematica la limitaziun dal ravugl da quels che vulan prender cumià. «A quels che ston vegnir a savair il mortori, a lezs igl annunziain nus; ils auters na pertutgi betg.»

Uschia argumenteschan savens ils confamigliars che na giavischan naging funeral public. Ma tgi enonuscha per propi l'entir circul d'enonuschents da ses bab u las cumpognas da scola da la mamma u ils anteriurs camerats da lavur da ses partenari barmier?



Igl è bain pretendi da meimia dals contristads da prender la gista decisiun en il curt interval tranter mortori e la sepultura, tgi che «stoppia vegnir a savair» il trapass dal confamigliar.

Savens sutestimeschan ils ezs la dimensiun da las relaziuns ch'eran vegnidadas en il curs d'ina vita e che duessan chattar lur finiziun degna entras igl cumià funeral. Plinavant vegn savens sutvalità tge gronda funtauna da forza ed encuraschament da viver che la contristezza da concarstgauns è en mintga cas. Questa funtauna na duess ins betg sclauder gia ordavant! Da prender cumià è impurtant, e nus na vulain betg cuntinuadamain smesar quella pussaivladad. Era cumpogns da vita distants u main enonuschents a la parentella duajan obtegnair

l'ocasiun da sa participar da l'ultim cumià.

Durant il servetsch funeral po sa sclerir bain inqual chaussa ch'era forse anc nunliquidada per l'in u l'auter dals contristads. La sepultura en il ravugl da la famiglia po en singuls cas esser chapibla or da vista dals confamigliars. Quels han il basegn en l'emprim schoc u l'emprima dolur da stuir retschai-ver uschè pauca glieud sco pussaivel.

Ma or d'ina vista pli generala n'èsi betg in bun trend da vulair far il funeral en il pli stretg ravugl da famiglia. El n'ans fa betg pli ferm per vegnir a frida cun il tema difficil da la mort, mabain pli debels.

Las sepulturas publicas na porschan betg il davos er l'ocasiun d'ans famigliarisar cun il tema dal trapassar. Nus sco participads vegnin regurdads a nossa atgna finitad. Da pensar sapientivamain al murir ans gida da prender tut cun bler dapli calma en il temp da nossa vita. Igl na tanscha betg da sa fatschentar cun la mort pir cura ch'ils geniturs moran u cura che la diagnosa senza speranza dals medis ans fa endament l'atgna fin terestra.